



AKADEMIJA – KARIJERNI I PODUZETNIČKI PROGRAM ZA MLADE

ŠTA JE AKADEMIJA?

Akademija je jednogodišnji edukativni i mentorski program koji organizuje **Fondacija Izvor nade**, a finansira se kroz **BOOST Grant Program**. Cilj projekta je osnaživanje mladih kroz praktične obuke, mentorstvo i poduzetničke izazove koji ih pripremaju za savremeno tržište rada i vlastite biznis poduhvate. Projekat ja namjenjen studentima 2–4. godine fakulteta, mlade diplomce bez zaposlenja i maturante koji ne planiraju dalje obrazovanje.

U BOSNI I HERCEGOVINI:

- Nezaposlenost mladih (15–24) iznosi preko **31%**
- Svaki peti mladi je **NEET** (nije u školovanju, zaposlenju ni obuci)
- Pristup praktičnim vještinama, mentorima i poslovnom iskustvu je ograničen

Akademija odgovara na ove izazove nudeći sistemsku, inovativnu i skalabilnu platformu koja povezuje obrazovanje, tržište rada i poduzetništvo.

CILJ I EFEKTI PROJEKTA

OPĆI CILJ:

Smanjiti nezaposlenost mladih i “odljev mozgova” jačanjem karijernih i poduzetničkih puteva mladih.

SPECIFIČNI CILJEVI:

- 🎯 Unaprijediti znanja i vještine za karijerni razvoj kod **60 učesnika**
- 👉 Omogućiti mentorstvo i iskustveno učenje kroz **6 studijskih posjeta kompanijama i 80 1:1 mentorskih sesija**
- 💡 Razviti i validirati **10 poslovnih ideja** kroz hackathon i poslovno mentorstvo

ŠTA PROGRAM UKLJUČUJE?

1. Praktične radionice (12 radionica)

Obuke fokusirane na vještine kao što su:

- Uvod u karijerno planiranje i postavljanje ciljeva
- Simulacija intervjua za prvi posao
- Komunikacijske i prezentacijske vještine
- Upravljanje projektima
- AI kao saradnik
- Preduzetništvo ili siguran posao?
- Pisanje CV-a i motivacionog pisma
- LinkedIn i digitalni identitet
- Upravljanje vremenom, fokusom i ciljevima
- 10 trikova do burnout-a
- Upornost se isplati?
- Lične finansije i ulaganje za studente

Termini: Ciklusi radionica će se održavati u prostorijama Fondacije Izvor nade u Sarajevu. Prvi ciklus: 6. i 7. Decembra 2025. | Drugi ciklus: 7.2.2026.

AKADEMIJA PROGRAM – STRANA 2

2. Mentorski program

20 učesnika će dobiti individualno mentorstvo. Održat će se ukupno **80 sesija**, a fokus će biti na karijernom razvoju, razvoju ideja i poslovnom ponašanju.

3. Bootcamp i hackathon

- **Trodnevni poslovni izazov** za 20 odabranih mladih
- Timovi će razvijati poslovne ideje koristeći **Business Canvas Model**
- Ideje će biti predstavljene stručnom žiriju i mentorima

4. Posjete kompanijama i institucijama

Planirane su studijske posjete 6 kompanija sa fokusom na:

- „Kako izgleda dan jednog softverskog inženjera...”
- „Kako kompanija bira buduće lidere...”
- „Biznis s misijom – društveni problem u rješenje“
- „Od nule do startupa...”
- „Javni pozivi i grantovi...”
- tbd

5. Validacija poslovnih ideja

Timovi će imati priliku prezentirati svoje ideje kompanijama iz mreže POZITIV i dobiti savjete za daljnji razvoj i implementaciju.

6. Završni događaj

- Prezentacija rezultata i ideja
- Umrežavanje s predstavnicima biznis sektora
- Javna promocija uspjeha

PERIOD REALIZACIJE

Oktobar 2025 –
Oktobar 2026

Aktivnosti se odvijaju u ciklusima tokom godine.

KAKO SE PRIJAVITI?

Ako želiš da budeš dio promjene, da razviješ karijeru ili započneš vlastiti biznis – **Akademija** je tvoj prvi korak!

PRIJAVI SE OVDJE

📧 info@izvornade.com

Projekat **Akademija** se realizuje kroz **BOOST Balkans Program** koji se provodi tijekom tri godine (2024.–2027.), koordinira ga ALDA i njegov konzorcij partnera, a financira ga Francuska agencija za razvoj (AFD).

BOOST je trogodišnji program koji jača civilno društvo u oblastima omladine i poduzetništva, zaštite okoliša, razvoja zajednica i kulturnog naslijeđa, s fokusom na demokratski, ekonomski i društveni napredak Zapadnog Balkana u kontekstu EU integracija.

Ideje i stavovi izraženi u ovom programu ne odražavaju nužno stavove AFD–a. AFD ne snosi odgovornost za izrečene sadržaje.